

四庫全書

子部

欽定四庫全書

齊民要術卷四

後魏

賈思勰

撰

園籬第三十一

栽樹第三十二

種棗第三十三

諸法
附出

種桃第三十四

種李第三十五

種梅杏第三十六

杏李
附出

種梨第三十七

種栗第三十八

柰林檎第三十九

種柿第四十

安石榴第四十一

種木瓜第四十二

種椒第四十三

種茱萸第四十四

園籬第三十一

凡作園籬法於牆基之所方整深耕凡耕作三壟中間相去各二尺秋上酸棗熟時收於壟中概種之至明年秋生高三尺許間斫去惡者相去一尺留一根必須稀概均調行五條直相明當至明年春剥去橫枝剥必留

距

若不留距侵皮痕大逢寒即死

剥訖即編為巴籬隨宜夾結務使舒

緩

急則不復得長故也

又至明年春更剥其末又編之高七尺便

足

欲高作者亦任人意

匪直姦人慙笑而返狐狼亦息望而迴行

人見者莫不嗟嘆不覺白日西移遂忘前途尚遠盤桓
瞻矚久而不能去枳棘之籬折柳樊園斯其義也其種
柳作之者一尺一樹初時斜挿挿時即編其種榆莢者
一同酸棗如其栽榆與柳斜直高與人等然後編之數
年長成共相感迫交柯錯葉特似房櫳既圖龍蛇之形
復寫鳥獸之狀緣勢嶽崎其貌非一若值巧人隨便採
用則無事不成尤宜作杙其盤紆第鬱竒文互起縈布
錦繡萬變不窮

栽樹第三十二

凡栽一切樹木欲記其陰陽不令轉易

陰陽易位則難生小小栽者不

須記也

大樹斃之

不斃風搖則死

小則不斃先為深坑內樹訖以

水沃之著土令如薄泥東西南北搖之良久

搖則泥入根間無不

活者不搖根虛多死小樹則不須爾

然後下土堅築

近上二寸不築取其柔潤也

時時

灌溉常令潤澤

每澆水盡即以燥土覆之覆則保澤不覆則乾涸

埋之欲深勿

令撓動凡栽樹訖皆不用手捉及六畜觸突

戰國策曰大柳縱橫

顛倒樹之皆生十人樹之一人搖之則無生矣

凡栽樹正月為上時

諺曰正月可栽樹言

得時易
生也

二月為中時三月為下時棗雞口槐兔目桑蝦

纂眼榆負瘤散自餘雜木鼠耳蚩翅各其時

此等名目
皆是葉生

形容之所象似以比時栽種者葉皆即生早
栽者葉晚出雖然寧大早為佳不可晚也

樹大率種

數既多不可一一備舉凡不見者栽時之法皆求之此

條

淮南子曰夫移樹者失其陰陽之性則莫不枯槁

高誘曰失

猶
易

文子曰冬冰可折夏木可結時難得而易失木方盛雖

日採之而復生秋風下霜一夕而零

非時者
功難立

崔寔曰正月自朔暨晦可移諸樹竹漆桐梓松柏雜木
唯有果實者及望而止過十五日則果少實

食經曰種名果法三月上旬斫好直枝如大母指長五
尺內著芋魁種之無芋大蕪菁根亦可用勝種椹椹三
四年乃如此大耳可得行種

凡五果花盛時遭霜則無子常預於園中往往貯惡草
生糞天雨新晴北風寒切是夜必霜此時放火作煨少

得煙氣則免於霜矣

崔寔曰正月盡二月可剝樹枝二月盡三月可掩樹枝

埋樹枝土中令生二
歲以上可移種矣

種棗第三十三

爾雅曰棗壺棗邊安棗檠白棗槭酸棗楊徹齊棗遵羊
棗洗大棗煮填棗蹶泄苦棗皆無實棗還味檢棗郭璞注
曰今江東呼棗大而銳上者為壺壺猶瓠也要細腰今
之謂鹿盧棗檠即今棗子白熟槭樹小實酢孟子曰養
其楸棘遵實小而且圓紫黑色俗呼羊矢棗孟子曰曾
子嗜羊棗洗今河東猗氏縣出大棗子如雞卵蹶泄子
味苦皆不著子者還味短味也填未詳廣志曰河東安
邑棗東郡谷城紫棗長二寸西王母棗大如李核三月

熟安平信都大棗梁國夫人棗大白棗小核多肥三星
棗又有狗牙雞心牛頭羊矢細腰之名又有棗木棗崎
庶棗鄴中記曰石虎苑中有西王母棗冬夏有葉九月
生花十一月乃熟三子一赤又有羊角棗亦三子抱朴
子曰堯山有陸棗吳氏本草曰大棗者名良棗西京雜
記曰弱枝棗玉門棗丹棗王母棗青花棗赤心棗紫青
州有樂氏棗肌細核多膏肥美為天下第一
父老相傳云樂毅破齊時從燕來齊所種也

常選好味者留栽之候棗葉始生而移之

棗性硬故主
晚栽早者堅

培生
遲也

三步一樹行欲相當

地不
耕也

欲令牛馬覆踐令淨

棗
性

堅強不宜苗稼是以耕荒撒則蟲
生所以須淨地堅實故宜踐也

正月一日日出時反

斧班駁椎之名嫁棗

不椎則花無實
子多零落也

候大蠶入簇以杖

擊其枝間振落狂花

不打花繁不實不成

全赤即收收法日日撼

落之為上

半赤而收者肉未充滿乾則黃色而皮皺將赤味亦不佳久不收則皮破復有鳥啄之患

曬棗法先治地令淨布椽於箔下置棗於箔上以椽聚

而復散之一日中二十度乃佳夜仍不聚

得霜露氣乾速成陰雨之

時乃聚而苦之

五六日後別擇取紅軟者上高厨而曝之

厨上者已乾雖

厚一尺亦不壞

擇去降爛者其未乾者曝曬如法其阜勞之地

不任耕稼者歷落種棗則任矣

棗性燥故

凡五果及桑正月

一日雞鳴時把火遍照其下則無蟲災

食經曰作乾棗法新將露於庭以棗著上厚二寸復以新蔣覆之凡三日三夜撤覆露之畢日曝取乾入屋中率一石以酒一升漱著器中密泥之經數年不敗也棗油法鄭玄曰棗油擣棗實和以塗繒上燥而形似油也乃成之

棗脯法切棗曝之乾如脯也

雜五行書曰舍南種棗九株辟縣官宜蠶桑服棗核中人二七枚辟病疾能常服棗核中人及其刺百邪不復

干矣

種榿棗法

陰地種之陽中則少實足霜色殷然後乃收之早收者澁不任食之也

說文云栲棗也似柿而小

作酸棗麩法

多收紅軟者箔上日曝令乾大釜中煮之水僅泊淹一沸即漉出盆研之生布絞取

濃汁塗盤上或盆中盛水暑曝使乾漸以手摩淨取末以方寸匕投一椀水中酸甜味足即成好漿遠行用和米麩飢渴俱當也

種桃第三十四

爾雅曰旄冬桃欏桃山桃郭璞注曰旄桃子冬熟山桃實如桃而小不解核廣志曰桃有冬桃秋白桃裏桃其桃

美也有秋赤桃廣雅曰抵子者胡也本草經曰桃臬在
樹不落穀百鬼鄴中記曰石虎苑中有句鼻桃重二斤
西京雜記曰核桃櫻桃細桃霜桃言霜下可食金
城梳胡桃出西域甘美可食綺帶桃含桃紫文桃

桃柰桃欲種法熟時合肉全埋糞地中

直置凡地則不生亦不茂桃

惟早實三歲便結子故不求穀也

至春既生移栽實地

若仍糞中則實小而味苦矣

栽法以鍬合土掘移之

桃性易種難栽若離本土率多死故湏然矣

又法

桃熟

時於牆南陽煖處深寬為坑選取好桃數十枚擘取核即內牛糞中頭向上取好糞和土厚覆之令厚尺餘至春桃始動時徐徐撥去糞土皆因生芽合取核種之萬不失一其餘以熟糞糞之則益桃味 桃性皮

急四年以上宜以刀豎剝其皮

不剝者皮急則死

七八年便老

老則十年則死是以宜歲歲常種之桃酢法桃爛自零者收取內

之於甕中以物蓋口七日之後既爛漉去皮核蜜封閉
之三七日酢成香美可食

術曰東方種桃九根宜子孫除凶禍明桃柰桃種亦同

櫻桃爾雅曰楔荆桃郭璞注曰今櫻桃廣雅曰楔桃大者如彈丸子有長八分者有白色者凡三種禮記

曰仲夏之月天子羞以含桃鄭玄注曰今謂之櫻桃吳氏本草曰櫻桃一名牛桃一名英桃

二月初山中反栽陽中者還種陽地陰中者還種陰地

若陰陽易地則難生生亦不實此果性生陰地既入園
園便是陽中故多難得生宜堅實之地不可用虛糞也

葡萄

漢武帝使張騫至大宛取葡萄實於離宮別館旁
盡種之西域有葡萄蔓延並多實廣志曰葡萄有

黃白紫三種者也

蔓延性緣不能自舉作架以承之葉密陰厚

可以避熱

十月中去根一步許掘作坑收卷葡萄悉埋
之近枝莖薄安黍穰彌佳無穰直安土亦得

不宜濕濕則冰凍二月中遷出舒而上架性不耐寒不
埋即死其歲久根莖粗大者宜速根作坑勿令莖折其
坑外處亦掘土並穰培覆之

摘葡萄法

逐熟者一一零疊一作摘取從本
至末悉皆無遺世人鮮能如法者

作乾葡萄法

極熟者一一零壓摘取刀子切去蒂勿令
汁出蜜兩分和内葡萄中煮四五沸漉出

陰乾便成矣非直滋味倍
勝又得夏暑不敗壞也

藏葡萄法

極熟時全房折取於屋下作廢坑坑內近地鑿壁為孔插枝於孔中選築孔使堅屋宇置

土覆之經冬不異也

種李第三十五

爾雅曰休無實李瘞接慮李馭赤李廣志曰赤李麥李細小有溝道有黃建李青皮李馬肝李赤陵李有離李肥黏似糕有柰李離棟李似柰有劈李有經李一名老李其樹數年即枯有杏李味小酸似杏有黃扁李有夏李冬李十一月熟有春李李冬花春熟荆州土地記曰房陵南郡有名李風土記曰南郡細李四月先熟西晉傅玄賦曰河沂黃建房陵縹青西京雜記曰有朱李黃李紫李綠李青李綺李青房李苦李顏回李出魯合枝李羗李燕李今世有木李實絕大而美又有中植李在芒種前而熟者李欲栽李性堅實脫五歲者始子是以

藉栽栽者三
歲便結子也

李性耐久樹得三十年老雖枝枯子亦不細嫁李法正

月一日或十五日以磚著李樹岐中令實繁

又法

臘月中以杖微打岐間正月時日復打之亦足子也

又法

以煮寒食醴酪火捺著樹枝間亦良樹多者束之以取火焉

李樹桃樹下並

欲鋤去草穢而不用耕墾

耕則肥而無行實樹下犁撥即死之

桃李大率

方兩步一根

大槩連陰則子細而味亦不佳管子曰三沃之土其木宜梅李韓詩外傳云簡王曰

春樹桃李夏得陰其下秋得食其實春種蒺藜夏不得採其實秋得刺馬家政法曰二月從梅李也

作白李法

用夏李色黃便摘取於鹽中按之鹽入汁出然後合鹽曬令萎手捻之令褊復曬更捻極

褊乃止曝乾飲酒時以湯洗之漉著蜜中可下酒矣

種梅杏第三十六

爾雅曰梅柎時英梅郭璞注曰梅似杏實酢英梅雀梅廣志曰蜀名梅為藤大如鴈子梅杏皆可以為油脯黃梅以熟藤作之詩義疏云梅杏類也樹及葉皆如杏而黑耳實赤於杏而醋亦生噉也煮而曝乾為蘇置羹臠壘中又可含以香口亦蜜藏而食西京雜記曰候梅朱梅同心梅紫帶梅熟脂梅麗枝梅棗梅花早而白杏花晚而紅梅實小而酸核有細文杏實大而甜核無文采白梅任調食及齎杏則不任此用世人或不能辨言梅杏為一物失之遠矣廣志曰滎陽白杏鄴中有赤杏有黃杏又有柰杏西京雜記曰文杏材有文彩蓬萊杏是

仙人所食杏也

栽種與桃李同

作白梅法

梅子酸核初成時摘取夜以鹽汁漬之晝則日曝凡作十宿十浸十曝便成調鼎和齋所

在多任也

作烏梅法

亦以梅子核初成時摘取籠盛於突上薰之令乾即成矣烏梅入藥不任調食也

食經曰蜀中藏梅法

取梅極大者剥皮陰乾勿令得風經二宿去鹽汁內蜜中月許更易

蜜經年如新也

作杏李麩法

杏李熟時多取爛者盆中研之生布絞取濃汁塗盤中日曝乾以手摩刮取之可和

水漿及和米麩
所在入意也

作烏梅欲令不蠹法

濃燒糠以湯沃之取汁以
梅投之使澤乃出蒸之

釋名曰杏可以為油

神仙傳曰

董奉居廬山不交人為
人治病不取錢重病
得愈使種杏五株輕病為
栽一株數年之中

杏有十數萬株鬱鬱然成林其杏子熟於林中所在作
倉宣語買杏者不須求報但自取之其一器穀便得一
器杏有人少殺往而取杏多者即有五虎逐之此人怖
虎擔傾覆所餘在器中如向所持持穀數少虎乃逐去
自是以後買杏者皆於林中自平量恐有多出奉悉以
前所得穀賑救貧乏潯陽記曰杏在北嶺上數百株今
猶稱董
先生杏

杏子人可以為粥

多收賣者可以
供紙墨之直也

種梨第三十七

廣志曰洛陽北邙張公夏梨海內唯一樹常山鎮定山陽鉅野梁國睢陽齊國臨淄鉅鹿並出梨上黨梓縣小而加甘廣都梨又云鉅鹿膏梨重六斤數人分食之新豐箭谷梨弘農京兆又扶風郡界諸谷中梨多供御陽城秋梨夏梨三秦記曰漢武東園一名御宿有大梨如斗落地即破取者以布囊盛之名曰含消梨荊州土地記曰江陵有名梨永嘉青田村民家有一梨樹名曰官梨子大一圓五寸常以貢獻名曰御梨實落地即融釋西京雜記曰紫梨芳梨實小青梨實大大谷梨細葉梨瀚海梨出瀚海地耐寒不枯

種者梨熟時全埋之經年至春地釋分栽之多著熟糞

及水至冬葉落附地刈殺之以炭火燒頭二年即結子

若櫨生及種而不栽者著子遲每
梨有十許唯二子生梨餘皆生杜 挿者彌疾挿法用棠

杜棠梨大而細理杜次之桑大惡棗石榴
上挿得者為上梨雖治十收得一二也

杜如臂已上皆任挿當先種杜經年後挿之至冬俱下
亦得然俱下者杜死則不生也

杜樹大者挿五枝小者或二梨葉微動為上時將欲開

芽為下時先作麻紉支珍反纏十許匝以鋸截杜令去地

五六寸斜攲竹刺皮木之際令深一寸許折取其美梨

枝陽中者陰中枝則實少長五六寸亦斜攲之令過心

大小長短與籤等以刀割梨枝斜攢之際剥去黑皮

勿令

傷青皮青皮傷即死

拔去竹籤即挿梨令至割處木還向木皮還

近皮挿訖以綿幕杜頭封熟泥於上以土培覆之勿令

堅固百不失一

梨枝甚肥培土時宜慎之勿使掌護掌護則折

其十字破杜者十不收一

所以然者梨皮開虛燥故也

梨既生杜旁有葉出輒去之

不去勢分梨長必遲

凡插梨園中者用旁枝庭前者中心

旁枝樹下上易用收中心聳不妨

根蒂小枝樹形可喜五年方結子鳩脚老枝三年即結

子而樹醜

吳氏本草曰金剗乳婦不可食梨多食則損人非補益之物產婦蓐中及疾病未愈食梨

多者無不致病效逆氣上者尤宜慎之

凡遠道取梨枝下根即燒三四寸亦可行數百里猶生

藏梨法初霜後即收

霜多即不得經過夏也

於屋下掘作深陰坑

底無令潤濕收梨置中不須覆蓋便得經夏

摘時必令好接勿令

傷損

凡醋梨易水熟煮則甘美而不損人也

種栗第三十八

廣志曰關中大栗如雞子大蔡伯喈曰有胡栗魏志云有東夷韓國山大栗狀如梨三秦記曰漢武帝栗園有栗十五顆一升王逸曰朔濱之栗西京雜記曰榛栗塊栗嶧陽栗嶧陽都尉曹龍所獻其大如拳

栗種而不栽

栽者雖生尋死矣

栗初熟出殼即裏埋著濕土中

埋必須深勿令凍徹若路遠者以韋囊盛之見風日則不復生矣

至春三月悉芽生出

而種之既生數年不用掌近

凡新栽之樹皆不用掌近栗性尤甚也

三年

內每到十月常須草裏至二月乃解

不裏則還死大戴禮夏小正曰八月

栗零而後取之故不言剥之

食經藏乾栗法

取穰灰淋取汁漬栗日出曬令栗肉焦燥不畏虫得至後年春夏

藏生栗法

著器中細沙可煨以盆覆之至後年二月皆生芽而不虫者也

榛

周官曰榛似栗而小說文曰榛似梓實如小栗衛詩曰山有榛詩義疏云栗屬或所謂從木有兩種其一

種大小枝皆如栗其子形似杆子味亦如栗所謂樹之榛栗者其一種枝莖如木蓼葉如牛李色生高丈餘其殼中如小栗作胡桃味膏又美亦可食噉漁陽遼上黨皆饒其枝莖生熱熱燭明而煙

栽種與栗

同

柰林檎第三十九

廣志曰榘掩菑柰也又曰柰有白青赤三種張掖白柰酒泉有赤柰西方例多柰家以為脯數十百斛以蓄積如收藏棗栗魏明帝時諸王朝夜賜東城柰一區陳思王謝曰柰以夏熟今則冬生物非時為珍思以曠為厚

詔曰此柰從涼州來晉宮閣簿曰秋有白柰西京雜記曰紫柰別有素柰朱柰廣志曰理琴以赤柰

柰林檎不種但栽之

種之雖生而味不佳

取栽如壓桑法

又法栽如桃李法林檎樹以正月二月中斲斧班駁椎之則饒子

作柰麩法

拾爛柰內瓮盆合勿令風入六七日許當大爛以酒庵病秤之令如粥狀下水更秤以羅

漉去受子良久澄清瀉去汁更下水復秤如初看無臭氣乃止瀉去汁置布於上以灰飲汁如作米粉法汁盡刀剔大如椀掌於日中曝乾研作末便甜酸得所芳香非常也

作林檎麩法

林檎赤熟時擘破去子心帶日曬令乾或磨或擣下細絹篩麩者更磨擣以細畫為

限以方寸七投於枕中即成美漿不去帶則大苦合子則不度夏留心則大酸若乾噉者以林檎麩一升和米

麵二升味
正適調

作柰脯法

柰熟時中破
曝乾即成矣

種柿第四十

說文曰柿赤實果也廣志曰小者如小杏又曰榎棗味如柿晉陽榎肥細而厚以供御王逸曰苑中牛柿李尤曰鴻柿苦瓜張衡曰山柿左思曰湖畔之柿潘岳曰梁侯烏稗之柿

柿有小者栽之無者取枝於榎棗根上插之

插柿法

闕

食經藏柿法

柿熟時取之以灰汁燻再三令汁絕著器中可食

安石榴第四十一

陸機曰張騫為漢使外國十八年得塗林塗林安石榴也廣志曰安榴有甜酸二等鄴中記云石虎苑中有安石榴子大如盂碗其味不酸抱朴子曰積石山有苦榴京口記曰龍剛縣有石榴西京雜記曰有甘石榴也

栽石榴法三月初取枝大如手大指者斬令長一尺半

八九枝共為一窠燒下頭二寸

不燒則漏失矣

掘圓坑深一尺

七寸口徑尺豎枝於坑畔

環口布枝令勻調也

置枯骨礪石於枝

間

骨石此是樹性所宜

下土築之一重土一重骨石平坎止

其土令沒

枝頭一寸許也水澆常令潤澤既生又以骨石布其根下則科

圓滋茂可愛

若孤根獨立者雖生亦不佳焉

十月中以藁裹而纏之

不裹

則凍死也

二月初解放若不能得多枝者取一長條燒頭圓

屈如牛拘而橫埋之亦得然不及上法根彊早成其拘中亦安骨石其斲根栽者亦圓布之安骨石於其中也

種木瓜第四十二

爾雅曰楸木瓜郭璞注曰實如小瓜酢可食廣志曰木瓜子可藏枝可為數號一尺百二十節衛詩曰投我以木瓜毛公曰楸也詩義疏曰楸葉似柰葉實如小瓜黃似著粉者欲啖者截著熱灰中令萎焉淨洗以苦酒頭

汁蜜之可黍酒食蜜封
藏百日乃食之甚美

木瓜種子及栽皆得壓枝亦生栽種與李同

食經藏木瓜法

先切去皮煑令熟著水中車輪切百瓜
用三升鹽蜜一斗漬之晝曝夜內汁中

取令乾以餘汁蜜藏
之亦同濃杭汁也

種椒第四十三

爾雅曰檄大椒廣志曰胡椒出西域范子計然曰蜀椒
出武都秦椒出天水今青州有蜀椒種本商人居椒為
業見椒中黑實乃遂生意種之凡種數千枝止有一根
生數歲之後更結子實之芳香形色與蜀椒不殊氣勢
微弱耳遂分布栽
移略通州境也

熟時收黑子

俗名椒目不用人手數近捉之則不生也

四月初畦種之

治畦下水

如種葵法

方三寸一子篩土覆之令厚寸許復篩熟糞以蓋

土上旱輒澆之常令潤澤生高數寸夏連雨時可移之

移法先作小坑圓深三寸以刀子圓剗椒栽合土移之

於坑中萬不失一

若拔而移者率多死

若移大栽者二月三月中

移之先作熟糞泥掘出即封根合泥埋之

行百餘里者亦得生此

物性不耐寒陽中之樹冬須草裏

不裏則死

其生小陰中者

少稟寒氣則不用裏

所謂習以性成一木之性寒暑易容若未盡之染能不易質故觀隣

識士見友
知人也

候實口開便速收之天晴時摘下薄布曝之

令一日即乾色赤椒好

若陰時收者
色黑失味

其葉及青摘取可

以為蒟乾而未之亦足充事養生要論曰臘夜令持椒
臥房牀傍無與人言內井中除瘟病

種茱萸第四十四

食茱萸也山茱萸則不任食二月栽之宜故城隍冢高

燥之處

凡於城上種蒔者先宜隨長短掘壑停之經年
然後於壑中種時保澤沃壤與平地無差不爾

者土堅澤流長物至
遲經年而樹木尚小

候實開便收之挂著屋裏壁上令

陰乾勿使煙熏

烟熏則苦而不辛也

用時去中黑子

肉醬魚鮮偏可所用

術曰井上宜種茱萸葉落井中飲此水者無瘟病
雜五行書曰舍東種白楊茱萸三根增年益壽除患害
也又術曰懸茱萸子於屋內鬼畏不入也



齊民要術卷四

欽定四庫全書

子部
齊民要術卷五
六

詳校官中書臣徐志晉

編修臣倉聖脈覆勘

總校官中書臣朱鈐

校對官中書臣朱斡

膠錄貢生臣陳昌敬

欽定四庫全書

齊民要術卷五

後魏

賈思勰撰

種桑柘第四十五

養蠶附

種榆白楊第四十六

種粟第四十七

種穀楮第四十八

種漆第四十九

種槐柳楸梓梧柞第五十

種竹第五十一

種紅藍花及梔子第五十二

燕支香澤面脂手藥紫粉白粉附

種藍第五十三

種紫草第五十四

伐木第五十五

種地黃法附

種桑柘第四十五

養蠶附

爾雅曰桑辨有葢柘註曰辨半也女桑椶桑注曰今俗呼桑樹小而條長者為女桑樹也檠桑山桑注曰似桑材中為弓及車轆搜神記曰太古時有人遠征家有一女并馬一匹女思父乃戲馬云能為迎父吾將嫁於汝

馬絕韉而去至父所父疑家中有故乘之而還馬後見
女輒怒而奮擊父恠之密問女女具以告父父屠馬曬
皮於庭女至皮所以足蹠之曰爾馬而欲人為婦自取
屠剥如何言未竟皮蹠然起卷女而行後於大樹之間
得女及皮盡化為蠶績於樹上世謂蠶為女兒古之遺
言也因名其樹為桑桑言喪也今世有荆桑地桑之名
桑椹熟時收黑魯椹黃魯桑不耐久諺曰魯桑百

以水淘取子曬燥仍畦種治畦下水法常薈令淨明年正

月移而栽之仲春季春亦得率五尺一根不用耕故凡栽桑不

撥耳是以須概不用稀稀通耕犁者心雖慎率多死矣
且概則長疾大都種椹長遲不如壓枝之速無栽者乃

也種椹其下常斲掘種綠荳小荳二荳良美潤澤栽後二年慎勿

採沐

小採者長倍遲

大如臂許正月中移之

亦不須髡

率十步一樹

陰相接者則妨禾莖

行欲小倚角不用正相當

相當者則妨犁

須取栽者

正月二月中以鈎弋壓下枝令著地條葉生高數寸仍

以燥土壅之

土濕則爛

明年正月中截取而種之

住宅上及園畔固宜

即定其田中種者亦如種楸法先概種一二年然後更移之

凡耕桑田不用近樹

傷桑破犁所謂兩失

其犁不著處斲斷令起

斫去浮根以蠶矢糞之

去浮根不妨糶犁令樹肥茂也

又法

歲嘗繞樹一步散蕪菁子收獲之後放猪啖之其地柔軟有勝耕者

種禾豆欲得逼

樹不失地利田又調熟遠

樹散蕪菁者不勞逼也剝桑十二月為上時正月次

之二月為下

白汁出則損葉

大率桑多者宜苦斫桑少者宜省

剝秋斫欲苦而避日中

觸熟樹樵枯苦斫春條茂

冬春省剝竟日得

作春採者必須長梯高機數人一樹還條復枝務令淨

盡要欲旦暮而避熱時

梯不長高枝折人不多上下勞條不還枝仍曲採不淨鳩脚多

旦暮採令潤澤不避熱條葉乾

秋採欲省裁去妨者

秋多採則損條

椹熟時多

收曝乾之凶年粟少可以當食

魏畧曰揚沛為新鄭長興平日人多饑窮沛使

民益蓄熟椹收登豆闕其有餘以補不足積椹得千餘斛會太祖西征天子所將千人皆無糧沛謁見乃進乾

樞太祖甚喜及太祖輔政超為鄴令賜其牲口十人絹百疋既欲厲之且以報乾樞也今自河以北大家收百石少者尚數十斛故杜葛亂後飢饉薦臻惟仰以全軀命數州之內民死而生者乾樞之力也

種柘法耕地令熟耨耩作壟柘子熟時多收以水淘汰令淨曝乾散訖勞之草生拔却勿令荒沒三年間剷去堪為渾心扶老杖一根三丈十年中四破為

丈一根直二十丈任為馬鞭胡牀馬鞭一枝直十丈胡牀一具直百丈十五

年任為弓材一張二百亦堪作履一兩六十裁截碎木中作錐

刀靶

一箇直
三文

二十年好作犢車材

一乘直
萬錢

欲作鞍橋者

生枝長三尺許以繩繫旁枝木榘釘著地中令曲如橋

十年之後便是渾成柘橋

一具直
絹一疋

欲作快弓材者宜於

山石之間北陰中種之其高原山田土厚水深之處多

搖掘深坑於坑之中種桑柘者隨坑深淺或一丈五直

上出坑乃扶疎四散此樹條直異於常材十年之後無

所不任

一樹直
絹十疋

柘葉飼蠶絲可作琴瑟等絃清鳴響徹勝於凡絲遠矣

禮記月令曰季春無伐桑柘

鄭玄注曰愛養蠶食也具曲植籬筐注曰各養蠶之

器也

周禮曰馬質禁原蠶者注曰質平也主買馬平其大小之價直者原再也天文辰為馬蠶書蠶為龍精月直大火則浴其蠶種是蠶與馬同氣物莫能兩大故禁再蠶者為傷馬與

孟子曰五畝之宅樹之以桑五十者可以衣帛矣

尚書大傳曰天子諸侯必有公桑蠶室就川而為之大

昕之朝夫人浴種于川

春秋考異郵曰蠶陽物惡水故蠶食而不飲陽立於三
春故蠶三變而後消死於三七十二日故二十一日
而繭

淮南子曰原蠶而一歲再登非不利也然王者法禁之
為其殘桑也

汜勝之書曰種桑法五月取椹著水中即以手漬之以
水灌洗取子陰乾治肥田十畝荒田久不耕者尤善好

耕治之每畝以黍稷子各三升合種之黍桑當俱生鋤
之桑令稀疏調適黍熟穫之桑生正與黍高平因以利
鎌摩地刈之曝令燥後有風調放火燒之常逆風起火
桑至春生一畝食三箔蠶

俞益期牋曰日南蠶八熟繭軟而薄棋採少多

永嘉記曰永嘉有八輩蠶
蛭珍蠶三月柘蠶四月初績
蛭蠶三月初績

初績五月愛珍五月愛蠶六月寒珍七月四出蠶九月寒蠶九月初績

績十月凡蠶再熟者前輩皆謂之珍養珍者少養之愛蠶

者故蛭蠶種也蛭珍三月既績出蛾取卵七八日便剖
卵蠶生多養之是為蛭蠶欲作愛者取蛭珍之卵藏內
甕中隨器大小亦可拾紙蓋覆器口安硯若耕反泉冷水
中使冷氣折其出勢得三七日然後剖生養之謂為愛
珍亦呼愛子績成繭出蛾卵卵七日又剖成蠶多養之
此則愛蠶也藏卵時勿令見人應用二七赤豆安器底
臘月桑柴二七枝以麻卵紙當令水高下與種相齊若
外水高則卵死不復出若外水下卵則冷氣少不能折

其出勢不能折其出勢則不得三七日不得三七日雖
出不成也不成者謂徒績成繭出蛾生卵七日不復剖
生至明年方生耳欲得陰樹下亦有泥器三七日亦有
成者

雜五行書曰二月上壬取土泥屋四角宜蠶吉

案今世有三卧

一生蠶四卧再生蠶白頭蠶頤石蠶楚蠶黑蠶有一生
再生之異灰兒蠶秋母蠶秋中蠶老秋兒蠶秋未老獬
兒蠶錦兒蠶同繭蠶或二蠶三蠶共為一繭凡三卧四
卧皆有絲綿之別凡蠶從小與大者乃至大入簇得飼
荆魯二桑小食則桑中與
魯桑荆有裂腹之患也

楊泉物理論曰使人之養民如蠶母之養蠶其用豈徒
絲而已哉

五行書曰欲知蠶善惡常以三月三日天陰如無日不

見雨蠶大善又法

埋馬牙齒於
槌下令宜蠶

龍魚河圖曰埋蠶沙於宅亥地大富得蠶絲吉利以一

斛二斗甲子日鎮宅大吉致財千萬

養蠶法收取種繭必取居簇中者

近上則絲薄近
下則子不生也

泥屋

用福德利上土屋欲四面開窻紙糊厚為籬屋內四角

著火

火若在一處則冷熱不均

初生以毛掃

用荻掃則傷蠶

調火令冷熱得

所熱

則焦燥則長遲

比至在眠常須三箔中箔上安蠶上下空

置

下箔障土氣上箔防塵埃

小時採福德上桑著懷中令煖然後切

之

蠶小不用見露氣得人體則衆惡除

每飼蠶卷窗幃飼訖還下

蠶見明則食食

多則

生長老時值雨者則壞繭宜於屋裏簇之薄布新於箔

上散蠶訖又薄以新覆之一槌得安十箔又法

以大蓬蒿為薪

散蠶令遍懸之於棟梁椽柱或垂繩鈎戈鴉爪龍牙上下數重所在皆得懸訖薪下微生炭以煖之得煖則作

速傷寒則作遲數入候看熱則去火蓬蒿踈涼無鬱滯之憂死蠶旋墜無汚繭之患沙策不住無癩痕之疵鬱

浥則難練，繭汚則絲散，癥痕則無用，蓬蒿簇亦良，其外簇者晚，遇天寒則全不作，繭用關易練，而絲肋日曝死，者雖白而漕脆，練長衣著幾將倍矣，其者虛實失歲功，堅脆懸絕，資生要理，安可不知之哉。

崔寔曰：三月清明節，令蠶妾治蠶室，塗隙穴，具槌持箔籠。

龍魚河圖曰：冬以臘月鼠斷尾，正月旦日未出時，家長斬鼠著屋中，祝云：付勅屋吏，制斷鼠蟲。三時言功，鼠不敢行。

雜五行書曰：取亭部地中土，塗竈水火盜賊，不經塗屋。

四角鼠不食蠶塗倉輦鼠不食稻以塞坎百日鼠種絕

淮南萬畢術曰狐目狸腦鼠去其穴

注曰取狐兩目狸腦大如狐目三枚

擣之三干杆塗鼠穴則鼠去矣

種榆白楊第四十六

爾雅曰榆白粉注曰粉榆先生葉却著莢皮色白廣志曰有姑榆有朗榆案今世有刺榆木甚牢肋可以為犢車材粉榆可以為車轂及器物山榆人可以為蕪荑凡種者宜種刺粉兩種利者為多其餘軟弱例非佳好之木也

榆性扇地其陰下五穀不植

隨其高下廣狹東西北三方所扇各與樹等種

者宜於園地北畔秋耕令熟至春榆莢落時收取漫散

犁細畊勞之明年正月初附地芟殺以草覆上放火燒

之

一根上必十數條俱生止留一根強者餘悉指去之

一歲之中長八九尺矣不燒

則長後年正月二月移栽之

初生即移者喜曲故須初叢林長之三年乃移種初

生三年不用採葉尤忌採心

採心則科茹太長更須不依法燒之則依前茂矣

用剥沐

剥者長而細又多癩痕不剥則短麓而無病諺曰不剥沐十年成穀言易麓也必欲剥者宜留

二於塹坑中種者以陳屋草布塹中散榆莢於草上以

土覆之燒亦如法

陳草還根肥良勝糞無陳草者用糞糞之亦佳不糞雖生而瘦既栽移者

燒亦如法也

又種榆法其於地畔種者致摧損谷既非叢林

率多曲戾不如割地一方種之其白土薄地不宜五穀

者唯宜榆及種地須近市

賣柴史葉省功也

桼榆刺榆凡榆三

種色別種之勿令和雜

桼榆夾葉味苦凡榆莢味甘者春時將棗賣是須別也

地收莢一如前法先畊地作壠然後散榆莢

壟者看好料理又易

五寸一莢稀糝得中

散訖勞之榆生共草俱長未須料理明年正

月附地芟殺放火燒之亦任生長勿使掌

止兩反

近又至

明年正月斫去惡者其一株止有七八根生者悉皆斫

去唯留一根麤直好者三年春可將莢葉賣之五年之

後便堪作椽不挾者即可砍賣一根十文挾者鋸作獨樂及

盞一箇三文十年之後魁碗瓶榼器皿無所不任一魁一椀七文

瓶榼器皿一百文也十五年後中為車轂及蒲桃甕甕一口值二百車轂一具

值絹三尺其歲歲科簡剝治之功指柴雇人十束雇一人無

業之人爭來就作賣柴之利已自無貲歲出萬束一束三文則三十貫

莢葉在外也况諸器物其利十倍於柴十倍歲收三十萬砍後復生不

勞耕種所謂一勞永逸能種一頃歲收千疋唯須一人

守護指揮處分既無牛耕種子人功之費不慮水旱風
蟲之災比之穀田勞逸萬倍男女初生各與小樹二十
株比至嫁娶悉任車轂一樹三具一具值絹三疋成絹
一百八十疋聘財資遣粗得充事

術曰北方種榆九根宜蠶桑田穀好

崔寔曰二月榆莢成及青收乾以為旨蓄

旨美也蓄積也司部收青莢

小蒸曝之至冬以釀酒滑香宜養老詩云我有旨蓄亦以御冬也

色變白將落可作齏

醕隨節早晏勿失其適

齏音年醕音頭榆醬

白楊

一名高飛
一名獨搖

性甚勁直堪為屋材折則折矣終不曲

撓

奴孝切榆性軟久無不曲比之白楊不
如遠矣且天性多曲比之榆為下也

種白楊法秋耕令熟至正月二月中以犁作壟一壟之

中以犁逆順各一到場中寬狹正似作葱壟作訖又以

鍬掘底一坑作小塹所取白楊枝大如指長三尺者屈

著壟中以土壓上令兩頭出土向上直豎二尺一株明

年正月中剥去惡枝一畝三壟一壟七百二十株一株

兩根一畝四千三百二十株三年中為蠶槲都格五年

任為屋椽十年堪為棟梁以蠶槁為率一根五錢一畝
歲收二萬一千六百文柴又作梁掃住在外歲種三千畝三年九
千畝一年賣三十畝得錢六十四萬八千文周而復始
永世無窮比之農夫勞逸萬倍去山遠者實宜多種干
根以上所求必備

種棠第四十七

爾雅曰杜甘棠郭璞注曰今之杜梨詩曰蔽芾甘棠毛
云甘棠杜也詩義疏云今甘棠梨一名杜梨如梨而小
味酢可食也唐詩曰有杜之杜毛云杜赤棠也與白棠
同但有赤白美惡子赤白色者為白棠甘棠也酢滑而

美赤棠子澁而酢無味俗語云澁如杜赤棠木理赤可
作弓幹棠今棠葉有中染絳者有淮中染上紫者杜則
全不用其實三種則異爾
雅毛郭以為同未詳也

棠熟時收種之否則春月移栽八月初天晴時摘葉薄

布曬令乾可以染絳必候天晴時少摘葉乾之復晴則
摘慎勿頓收若遇陰雨則浥浥不

堪染絳也成樹之後歲收絹一疋亦可多種利
乃勝桑也

種穀楮第四十八

說文曰穀者楮也棠今世人有名之曰角楮非
也蓋角穀聲相近因訛耳其皮可以為紙者也

楮宜澗谷間種之地欲極良秋上楮子熟時多收淨淘

曝令燥耕地令熟二月耨耩之和麻子漫散之即勞秋

冬仍留麻勿刈為楮作煖

種若不和麻子
卒多凍死

明年正月初附

地芟殺放火燒之一歲即没人

不燒者瘦
而長亦遲

三年便中斫

未滿三年者
皮薄不任用

斫法十二月為上四月次之

非此兩月而
斫者則多枯

死也每歲正月常放火燒

自有乾在地足得火
然不燒則不滋茂也

二月中間

斫去惡根

斫者地熟楮科
亦以留潤澤也

移栽者二月蒔之亦三年一

斫三年不斫者徒
失錢無益也

指地賣者省功而利少煮剥賣皮者

雖勞而利大

柴足
供然

自能造紙其利又多種三十畝者歲

斫十畝三年一徧歲收絹百疋

種漆第四十九

凡漆器不問真偽送客之後皆須以水淨洗置牀薄上於日中半日許曝之使乾下晡乃收則堅牢耐久若不即洗者鹽醋浸潤氣徹則皺器便壞矣其朱裏者仰而曝之朱本和油性潤耐日故盛夏連雨土氣蒸熱什器之屬雖不經夏用六月中各須一曝使乾世人見漆器暫在日中恐其炙壞合著陰潤之地雖欲愛慎朽敗

更速矣

凡木畫服翫箱椀之屬

以入五月畫七月九月終每經雨以布纏指搯令熟徹膠不動作

光淨耐久若不搯拭者地氣蒸熱徧上生衣厚潤徹膠便皺動處起發颯然破矣

種槐柳楸梓梧柞第五十

爾雅曰守宮槐葉畫聶宵炕注曰槐葉畫日聶合而夜炕布者名守宮孫炎曰炕張也

槐子熟時多收擘取數曝勿令蟲生五月夏至前十餘

日以水浸之

如浸麻子法也

六七日當芽生好雨種麻時和麻

子撒之當年之中即與麻齊麻熟刈去獨留槐槐既細

長不能自立根別樹木以繩欄之冬天多風雨繩欄宜以茅裹不則傷皮成

痕癥也明年斫地令熟還於下種麻骨槐三年正月移而

植之亭亭條直千百若一所謂蓬生麻中不扶自直若隨宜取栽匪

直長遲樹亦曲惡宜於園中割地種之若園好未移之間妨廢耕墾也

種柳正月二月中取弱柳枝大如臂長一尺半燒下頭

二三寸埋之令沒常足水以澆之必數條俱生留一根

茂者餘皆斫去別豎一柱以為衣主每一尺以長繩柱欄之

若不欄必為風所摧不能自立一年中即高一丈餘其旁生枝葉即搯

去令直聳上高下人任取足便掐去正心即四散下垂

婀娜可愛

若不插心則枝不四散或斜或曲生亦不佳也

六七月中取春生少

枝種則長倍疾

少枝葉青而壯故長疾也

楊柳下田停水之處不得五穀者可以種柳八九月中

水盡燥濕得所時急耕則鑿榛之至明年四月又耕熟

勿令有塊即作場壠一畝三壠一壠之中逆順各一到

場中寬狹正似葱壠從五月初盡七月末每天雨時即

觸雨折取春生少枝長疾三歲成椽比於餘木雖微脆

亦足堪事一畝二千六百六十根三十畝六萬四千八百根根直八錢合收錢五十一萬八千四百文百樹得柴一載合柴六百四十八載載直錢一百文柴合收錢六萬四千八百文都合收錢五十八萬三千二百文歲種三十畝三年種九十畝歲賣三十畝終歲無窮

憑柳可以為楯車輜雜材及椀

術曰正月旦取楊柳枝著戶上百鬼不入家

種箕柳法山澗河旁及下田不得五穀之處水盡乾時

熟耕數遍至春凍釋於山陂河坎之旁刈取箕柳三寸絕之漫散即勞勞訖引水停之至秋任為簸箕五條一

錢一畝歲收萬錢

山柳赤而脆河柳白而腴

陶朱公術曰種柳千樹則足柴十年以後髡一樹得一載歲髡二百樹五年一週

楸梓

詩義疏曰楸梓之疏理色白而生子者為梓說文曰櫟也然則楸梓二木相類者也白色有角者

名為梓似楸有角者名為角楸或名子根黃色無子者為柳楸世人見其根黃呼為荆黃楸也亦宜割

地一方種之梓楸各別無令和雜

種梓法秋耕地令熟秋末冬初梓角熟時摘取曝乾打
取子耕地作壟漫散即再勞之明年春生有草枝令去
勿使荒沒後年正月間斫移之方步兩步一樹

此樹須
大不得

概栽即無子可於大樹四面掘坑取栽移之一方兩步一
根兩畝一行一行百一十株五行合六百株十年後一
樹干錢柴在外車板盤合樂器所在任用以為棺材

勝於

柏松

術曰西方種楸九根延年百病除

雜五行書曰舍西種梓楸各五根

子孫孝順口舌消滅也

梧桐

爾雅曰榮桐木注云即梧桐也又曰視梧注云今梧桐皮青者曰梧桐案今人以其皮青號曰青桐

也青桐九月收子二三月中作一步圓畦種之

方大則難裏所

以須圓小治畦下水一如葵法五寸下一子少與熟糞和土

覆之生後數澆令潤澤此本宜濕故也當歲即高一丈至冬豎

草於樹間令滿外復以草圍之以葛十道束置不然則凍死也

明年三月中移植於廳齋之前華淨妍雅極為可愛後

年冬不須復裏成樹之後剥下子一石

子於葉上生多者五六少者二

三也妙食甚美

子似菱芡多
噉亦無妨也

白桐無子

冬結似子者乃
是明年之花房亦

遠大樹掘坑取栽移之成樹之後任為樂器

青桐則於
不中用

山石之間生者樂器則鳴青白二桐並開堪車板盤合

屨等用作

爾雅云桐杼郭璞注云柞樹今南方人呼杼
為椽子以椽殼為杼斗為像椀形似故也椽

子儉歲可食以為飯豐年
牧猪食之可以致肥也

宜於山阜之曲三徧熟耕漫

散椽

闕

即再勞之生則薈治常令淨潔一定不移十年

中椽可雜用

一根值
十文

二十歲中屋椽

一根值
百錢

柴在外斫

去尋生料理還復凡為家具者前件木皆所宜種

十歲
之後

無求
不給

種竹第五十一

中國所生不過淡苦二種其
名目奇異者列之於後條也
宜高平之地近山阜尤是
所宜下田得

水則
死
黃白軟土為良正月二月中斫取西南引根并莖

芟去葉於園內東北角種之令坑深二尺許覆土厚五

寸竹性愛向西南引故園東北角種之數歲之後自當
滿園誘云東家種竹西家治地為滋蔓而來生也其

居東北角者老竹種不生亦不
能滋茂故須取西南引少根也
稻麥糠糞之二糠各自
堪糞不令

和不用水澆澆則勿令六畜入園
淹死二月食淡竹筍四月

五月食苦竹筍

蒸煮魚酢
在人所好

其欲作器者經年乃堪殺

未經

年者軟
未成也

筍

爾雅曰筍竹萌說文曰筍竹胎也孫炎曰初生竹謂之筍詩義疏云筍皆四月生唯巴竹筍八月生盡九

月成都有之筍冬夏生始數寸可煮以苦酒漫之可下酒及食又可米藏及乾以待冬月也

永嘉記曰含隋竹筍六月生迄九月味與箭竹筍相似

凡諸竹筍十一月掘土取皆得長八九寸長澤民家盡

養黃苦竹永寧南漢更年上筍大者一圍五六寸明年

應上今年十一月筍土中已生但未出須掘土取可至

明年正月出土訖五月方過六月便有含隋笋含隋笋
迄七月八月九月已有箭竹笋迄後年四月竟年常有
笋不絕也

竹譜曰

棘竹笋味淡落人鬚髮置筍二笋無
味雞頭竹笋肥美簾竹笋冬生者也

食經曰

淡竹笋法取笋肉五六寸者按鹽中一宿出鹽
今盡煮糜一斗分五升與一升鹽相和糜熱須
令冷內竹笋鹹糜中一日拭
之內淡糜中五日可食也

種紅花藍花梔子第五十二

燕支香澤面脂手
藥紫粉白粉附

花地欲得良熟二
月末三月初種也
種法欲雨後速下或漫散種或糞下

一如種麻法亦有鋤培而掩種者子料大而易移理花

出欲日日乘涼摘取

不摘則乾

摘必須盡

餘留即合

五月子熟拔

曝令乾打取之

子亦不用

五月種晚花

春初即留子入五月便種若待新花熟後

取子則太晚矣

七月中摘深色鮮明耐久不駝勝春種者員郭

良田種頃者歲收絹三百疋一頃收子二百斛與麻子

同價既任車脂亦堪為燭即是直頭成米

二百石米已當穀田三百

疋絹端然在外

一項收花日須百人摘以一家手力十不充一

但駕車地頭每旦當有小兒僮女百十餘羣自來分摘

正須平量中半分取是以單夫隻妻亦須多種

殺花法

摘取即碓搗使熟以水淘布袋絞去黃汁更搗以粟飯漿清而醋者淘之又以布袋絞汁即收

取染紅勿弃也絞訖著甕器中以布蓋上雞鳴更搗以粟令均於蓆上攤而曝乾勝作餅作餅者不得乾令花

泥鬱也

作燕支法預燒落藜藜蘘及蒿作灰

無者即草灰亦得

以湯淋

取清汁

初汁純厚大釀即殺禮不中用惟可洗衣取第三度淋者以用揉花和使好色也

揉花

十許偏勢盡乃生

布袋絞取純汁著甕碗中取醋石榴兩三箇

擘取子搗破少著粟飯漿水極酸者和之布絞取瀋以

和花汁

若無石榴者以好醋和飯漿亦得若復無醋者清飯漿極酸者亦得空用之

下白米

粉大如酸棗

粉多則白以淨竹著不膩者良久痛攪蓋冒至

夜瀉去上清汁至淳處止傾著白練角袋子中懸之明

日乾浥浥時捻作小瓣如半麻子陰乾之則成矣

合香澤法如清酒以浸香

夏用冷酒春秋溫酒令暖冬則小熱雞舌香人

以其似丁子故為丁子香也

藿香苜蓿蘭香凡四種以新絲裹而浸

夏一宿春秋再宿冬三宿

用胡麻油兩分豬腹一分內銅鐺中即

以浸香酒和之煎數沸後便緩火微煎然後下所浸香

煎緩火至暮水盡沸定乃熟

以火頭內澤中作聲者水未盡有煙出無聲者水盡

也澤欲熟時下少許青蒿以發色絲罽罽瓶口瀉

合面脂法牛髓

牛髓少者用牛脂和之若無髓空用脂亦得也

溫酒浸丁香藿

香二種

浸法如煎澤法

煎法一同合澤亦著青蒿以發色絲濾

著瓷漆蓋中令凝若作脣脂者以熟朱和之青油裹之

其冒霜雪遠行者常齧蒜令破以揩脣既不劈裂又令

辟惡賊

面患皴者夜燒梨令熟以糠湯洗面訖以燠梨汁塗之令不皴赤連漆布嚼以塗面亦不皴也

合手藥法取豬脰一具

摘去其脂

合蒿葉於好酒中痛按使

汁甚滑白桃人二七枚

去黃皮研碎酒解取其汁

以綿裹丁香藿香

甘松香橘核十顆

打碎

著脛汁中仍浸置勿出瓷貯之夜

煮細糠湯淨洗面拭乾以藥塗之令手軟滑冬不皴

作紫粉法用白米英粉三分胡粉一分

不著胡粉和不著人面和合

均調取葵子熟蒸生布絞汁和粉日曝令乾若色淺者

更蒸取汁重染如前法

作米粉法染米第一粟米第二

如用一色純米勿使有雜

白使其甚細

簡去碎者

各自純作莫雜餘種

其雜米糯米小麥黍米榛米作者不得好也

於槽

中下水脚踏十徧淨淘水清乃止大甕中多著冷水以

浸米

春秋則一月夏則二十日冬則六十日唯多日佳

不須易水臭爛乃佳

若

淺者粉不潤美

日滿更汲新水就甕中沃之以手把攪淘去醋

氣多與徧數氣盡乃止稍出著一砂盆中熟研以水沃攪之接取白汁絹袋濾著別甕中麤沉者更研之水沃接取如初研盡以杷子就甕中良久痛抨然後澄之接去清水貯出淳汁著大盆中以板一向攪勿左右迴轉三百餘匝停置蓋甕勿令塵污良久清澄以杓徐徐去

清以三重布帖粉上以粟糠著布上糠上安灰灰濕更

以乾者易之灰不復濕乃止然後削去四畔麤白無光

潤者別收之以供麤用麤粉米皮所成故無光潤其中心圓如鉢形

酷似鴨子白光潤者名曰粉英英粉米心所成是以光潤也無風塵

好日時舒布於牀上刀削粉英如曝之乃至粉乾足將住

反手痛按勿住痛按則滑美不按則澁惡擬人客作餅及作香粉以

供粧摩身體

作香粉法唯多著丁香於粉合中自然芬馥亦有受香木續和粉

者亦有水沒香以香汁澆粉者皆損色又費香不如全著合中也

種藍第五十三

爾雅曰歲馬藍注曰今大葉冬藍也廣志曰有木藍今世有茭赭藍也 藍地欲得良三徧

細耕三月中浸子令芽生乃畦種之治畦下水一同葵

法藍三葉澆之晨夜再澆之 薊治令淨五月中新雨後即按

濕耬搆拔栽夏小正曰五月啓灌藍蓼 三莖作一科相去八寸栽時溉濕

向背不急鋤則確也 五徧為良七月中作坑令受百許束作麥稈

泥泥之令深五寸以苫蔽四壁刈藍倒豎於坑中下水

以木石鎮壓令沒熟時一宿冷時再宿漉去荻內汁於
壅中率十石甕著石灰一斗五升急杵普彭反之一食頃
止澄清瀉去水別作小坑貯藍澱著坑中候如強粥還
出甕中盛之藍澱成矣種藍十畝敵穀田一頃能自染
青者其利又倍矣

崔寔曰榆莢落時可種藍五月可刈藍六月種冬藍冬藍
木藍也八月用葉也

種紫草第五十四

爾雅曰藐此草注一名此蒺藜廣志曰隴西紫草紫之上者本草經曰一名紫丹博物志曰平氏山之陽紫草特好也宜黃白軟良之地青沙地亦善開荒黍稷下大佳性不

耐水必須高田秋耕地至春又轉耕之三月種之耨耩

地逐壟手下子

良田一畝用子二升薄田用子三升

下訖勞之鋤如穀法

唯淨唯佳其壟底草則拔之

壟底用鋤則傷紫草

九月中子熟刈

之候稔

芳蒲反

燥載聚打取子

濕戴子則鬱沍

即深細耕

不細不深則失

草尋壟以耙耨取整理

叔草宜併手力速竟為良遭雨則損草也

一扼隨以

茅結之

擘葛彌善

四扼為一頭當日則斬齊顛倒十重許為

長行置堅平之地以板石鎮之令扁

濕鎮直而長燥鎮則碎折不鎮費難

也售兩三宿豎頭著日中曝之令浥浥然

不曝則帶黑太燥則碎折五

十頭作一洪

洪十字大頭向外以葛纏絡

著敞屋下陰涼處棚棧上

其棚下勿使驢馬糞及人溺又忌煙皆令草失色其利勝藍若欲久停者入五月內著屋中閉戶塞向密泥勿使風入漏氣過立秋然後開草出色不異若經夏在棚棧上草便變黑不復任用

伐木第五十五

種地黃法附

凡伐木四月七月則不蟲而堅朐榆莢下桑椹落亦其

時也然則凡木有子實者候其子實將熟皆其時也非

者蟲具且脆也凡非時之木水漚一月或火燔取乾蟲則不生

水浸之木皆亦柔朐

周官曰仲冬斬陽木仲夏斬陰木鄭司農云陽木春夏生者陰木秋冬生者

松柏之屬鄭玄曰陽木生山南者陰木生山北者冬則斬陽夏則斬陰調堅軟也案柏之性不生蟲蠹四則皆

得無所選焉山中雜木自非七月四月兩時殺者率多生蟲無山南山北之異鄭君之說又無取則周官伐木

蓋以順天道調陰陽未必為堅朐之與蟲蠹者也

禮記月令孟春之月禁止伐木鄭元注云為盛德所在也孟夏之月

無伐大樹逆時氣也季夏之月樹木方盛乃命虞人入山行

木毋有斬伐為其未堅也季秋之月草木黃落乃伐薪為炭仲

冬之月日短至則伐木取竹箭比其堅脚之極時也

孟子曰斧斤以時入山林材木不可勝用也趙岐注曰時謂草木

零落之時使材木得暢茂故有餘也

淮南子曰草木未落斧斤不入山林九月草木解也

崔寔曰自正月以終季夏不可伐木必生蠹蟲或曰其

月無壬子日以上旬伐之雖春夏不蠹猶有剖析間解之害又犯時令非急無伐十一月伐竹木

種地黃法須黑良田五徧細耕三月以上旬為上時中旬為中時下旬為下時一畝下種五石其種還用三月中掘取者逐犁後如禾麥法下之至四月末五月初生苗訖至八月盡九月初根成中澆若須留為種者即在地中勿掘之待來年三月取之為種計一畝可收根三十石有草鋤不限徧數鋤時別作小办鋤勿使細土覆

心今秋收訖至來年更不須種自旅生也唯鋤之如此
得四年不要種之皆餘根自出矣

齊民要術卷五

欽定四庫全書

齊民要術卷六

後魏 賈思勰 撰

養牛馬驢騾第五十六

相牛馬及諸病方法

養羊第五十七

種及酥酪乾酪法收驢馬駒羔犢法羊病諸方並附

養猪第五十八

養雞第五十九

養鵝鴨第六十

養魚第六十一

養牛馬驢騾第五十六

相牛馬及諸病方法

服牛乘馬量其力能寒溫飲飼適其天性如不肥充繁

息者未之有也

金日磾降虜之煨燼卜式編戶齊民以羊馬之肥位登宰相公孫宏梁伯鸞牧

承者或位極人臣身名俱泰或聲高天下萬載不磨寧戚以飯牛見知馬稷牧養發迹莫不由近及遠從微至

著嗚呼小子何可忽乎故小童曰羊去亂羣馬去害者卜式曰非獨羊也治民亦如是以時起居惡者輒去無

令敗羣也

諺曰羸牛劣馬寒食下

言其乏食瘦瘠春中必死務在充飽調適而

已

陶朱公曰子欲速富當畜五牴

牛馬豬羊驢五畜之牴然畜牴則速富之術也

禮記月令曰季春之月合累牛騰馬遊牝于牧

累騰皆乘匹之

名是月所以合牛馬

仲夏之月遊牝別羣則繫騰駒

孕任欲止為其牝氣有餘

恐相蹄齧也

仲冬之月牛馬畜獸有放逸者取之不詰

王居明堂

禮曰冬命農畢積聚繼放牛馬

凡驢馬駒初生忌灰氣遇新出爐者輒死

經雨者則不忌

馬頭為王欲得方目為丞相欲得光脊為將軍欲得強

腹脇為城郭欲得張四下為令欲得長凡相馬之法先

除三羸五駑乃相其餘大頭小頭一羸弱脊大腹二羸
小頭大蹄三羸大頭緩耳一駑長頸不折二駑短上長
下三駑大髀

括賈切

短脅四駑淺髀薄髀五駑

騮馬驪肩鹿毛

關二

馬驪駱馬皆善馬也

馬生墮地無毛行千里溺舉一脚行五百里相馬五
藏法肝欲得小耳小則肝小肝小識人意肺欲得大鼻
大則肺大肺大則能奔心欲得大目大則心大心大則
猛利不驚目四滿則朝暮健腎欲得小腸欲得厚且長

腸厚則腹下廣方而平脾欲得小膝腹小則脾小

則易養望之大就之小筋馬也望之小就之大肉馬也

皆可乘致致瘦欲得見其肉

謂前肩
骨肉

致肥欲得見其骨

骨謂
頭顱馬龍顱突目平脊大腹脰重有肉此三事備者亦

千里馬也水火欲得分

水火在鼻
兩孔間也

上唇欲急而方口中

欲得紅而有光此馬千里馬上齒欲鈎鈎則壽下齒欲

鋸鋸則怒頷下欲深下唇欲緩牙欲去齒一寸則四百

里牙劔鋒則千里嗣骨欲廉如織杼而濶又欲長

頰下
側入

骨是目欲滿而澤眶欲小上欲弓曲下欲直素中欲廉而

張素鼻孔上陰中欲得平股下主人欲小股裏上陽裏欲高則

怒股中上額欲方而平入肉欲大而明耳下玄中欲深耳下

近牙耳欲小而銳如削筒相去欲促鬢欲戴中骨高二寸

懸中骨也易骨欲直眼下直頰欲開赤長膺下欲廣一尺以

上名曰挾一作扶尺能久走鞅欲方頰前喉欲曲而深胸欲

直而出解間前向鳧間欲開望視之如雙鳧頸骨欲大肉次

之髻欲桎而厚且折季毛欲長多覆肝肺無病髮後背

欲短而方脊欲大而抗脰筋欲大夾脊筋也飛鳧見者怒後

也筋三府欲齊兩髀及中骨也尻欲頽而方尾欲減本欲大脅肋

欲大而滢名曰上渠能久走龍翅欲廣而長升肉欲大

而明解外肉也輔肉欲大而明前脚下肉腸欲充腔小腔季肋欲

張短肋懸薄欲厚而緩脚虎口欲開股腹下欲平滿善走

名曰下渠日三百里陽肉欲上而高起解外近前髀欲廣厚

汗溝欲深明直肉欲方能久走解後肉也輸一作翰鼠欲方直

也下胸肉欲急解也稟間筋欲急短而減善細走下筋鼠機骨

欲舉上曲如懸匡馬頭欲高距骨欲出前間骨欲出前

後曰外鳧臨蹄骨也附蟬欲大前後目夜股欲薄而博善能走

後髀前骨臂欲長而膝本欲起有力前脚膝上向前肘後欲開能走

膝欲方而庫髀骨欲短兩肩骨欲深名曰前渠怒蹄欲厚三寸硬如石下欲深而明其後開如鷄翼能久走

相馬從頭始頭欲得高峻如削成頭欲重宜少肉如剝

兔頭壽骨欲得大如絲絮苞圭石壽骨者髮所生處也白從額上

入口名俞膺一名的顱奴乘客死主乘棄市大兇馬也

馬眼欲得高眶欲得端正骨欲得成三角睛欲得如懸
鈴紫艷光目不四滿下唇急不愛人又淺不健食目中
縷貫瞳子者五百里下上徹者千里睫亂者傷人目下
而多白畏驚瞳子前後肉不滿皆兇惡若旋毛眼眶上
壽四十年值眶骨中三十年值中眶下十八年在目下
者不借睛却轉後白不見者喜旋而不前目睛欲得黃
目欲大而光目皮欲得厚自上白中有橫筋五百里上
下徹者千里目中白縷者老馬子目赤睫亂齧人反睫

者善奔傷人目下有橫毛不利人目中有火字者壽四十年目偏長一寸三百里目欲長大旋毛在目下名曰承泣不利人目中五采盡具五百里壽九十年良多血氣也驚多赤青肝氣也走多黃腸氣也材知多白骨氣也材多黑腎氣也驚用策乃使訛也白馬黑目不利人目多白却視有態畏物喜驚

馬耳欲得相近而前豎小而厚一寸三百里三寸千里耳欲得小而前竦耳欲得短殺者良植者驚小而長者

亦驚耳欲得小而促狀如斬竹筒耳方者千里如斬筒
七百里如雞距者五百里

鼻孔欲得大鼻頭文如王火字欲得明鼻上文如王公
五十歲如火四十歲如天三十歲如小一十歲如今十
八歲如四八歲如宅七歲鼻如水文二十歲鼻欲得廣
而方

脣不覆齒少食上脣欲得急下脣欲得緩上脣欲得方
下脣欲得厚而多理故曰脣如板鞮御者啼黃馬白喙

不利人

口中色欲得紅白如火光為善材多氣良且壽即黑不鮮明上盤不通明為惡材少氣不壽一曰相馬氣發口中欲見紅白色如穴中看火此皆老壽一曰口中欲正赤上理文欲使通直勿令斷錯口中青者三十歲如虹腹下皆不盡壽駒齒死矣口吻欲得長口中色欲得鮮好旋毛在物後為御禍不利人刺芻欲竟骨端刺芻者齒間肉齒左右蹉不相當難御齒不周密不久疾不滿不原不

能久走一歲上下生乳齒各二二歲上下生齒各四三

歲上下生齒各六四歲上下生成齒二

成齒皆背三八四方生也

五

歲上下著成齒四六歲上下著成齒六

兩廂黃生區受麻子也

七

歲上下齒兩邊黃各缺區平受米八歲上下盡區如一受麥

九歲下中央兩齒曰受米十歲下中央四齒曰十一歲

下六齒盡曰十二歲下中央兩齒平十三歲下中央四

齒平十四歲下中央六齒平十五歲上中央兩齒曰十

六歲上中央四齒曰

若看上齒依下齒次第者

十七歲上中央六齒

皆曰十八歲上中央兩齒平十九歲上中央四齒平二十歲上中央六齒平二十一歲下中央兩齒黃二十二歲下中央四齒黃二十三歲下中央六齒盡黃二十四歲上中央二齒黃二十五歲上中央四齒黃二十六歲上中央六齒盡黃二十七歲下中二齒白二十八歲下中四齒白二十九歲下中盡白三十歲上中央二齒白三十一歲上中央四齒白三十二歲上中盡白

頸欲得脰而長頸欲得重頷欲折胷欲出臆欲廣頸項

欲厚而強迴毛在頸不利人

白馬黑毛不利人肩肉欲寧

寧者雙鳧欲大而上
雙鳧

邊肉
如鳧

脊欲得平而廣能負重背欲得平而方鞍下有迴毛名

負尸不利人

從後數其脇肋得十者良凡馬十一者二百里十二者

千里過十三者天馬萬乃有一耳

一云十三肋五百
里十五肋千里也

腋下有迴毛名曰挾尸不利人

左脇有白毛直下名曰帶刀不利人

腹下欲平有八字腹下毛欲前向腹欲大而垂結脉欲

多大道筋欲大而直

大道筋從腸下抵股者是

腹下陰前兩邊生逆毛入腹帶者行千里一尺者五百里

三封欲得齊如一

三封者即尻上三骨也

尾骨欲高而垂尾本欲大尾下欲無毛

汗溝欲得深

尻欲多肉莖欲得麤大

蹄欲得厚而大

腕欲得細而促

髌骨欲得大而長

尾本欲大而張

膝骨欲圓而長大如杯盂

溝上通尾本者踰殺人

馬有雙腳脛亭行六百里迴毛起腕膝是也

脛欲得圓而厚裏肉生焉

後脚欲曲而立

臂欲大而短

骸欲小而長

腕欲促而大其間纔容鞞

烏頭欲高

烏頭後
足外節

後足輔骨欲大

輔足骨者後
足骸之後骨

後左右足白不利人

白馬四足黑不利人

黃馬白喙不利人

後左右足白殺婦

相馬視其四蹄後兩足白老馬子前兩足白駒馬子白

毛者老馬也

四蹄欲厚且大四蹄顛倒若豎履奴乘客死主乘棄市
不可畜

久步即生筋勞筋勞則發蹄痛凌氣

一曰生骨則發癰
腫一曰發蹄生癰

也
久立則發骨勞骨勞即發癱腫

久汗不乾則生皮勞皮勞者驥而不振

汗未善燥而飼飲之則生氣勞氣勞者即驥而不起

驅馳無節則生血勞血勞則發強行

何以察五勞終日驅馳舍而視之不驥者筋勞也驥而

不時起者骨勞也起而不振者皮勞也振而不噴者氣

勞也噴而不溺者血勞也筋勞者兩絆却行三十步而

已一曰筋勞者驥起而絆骨勞者令人牽之起從後答

之徐行三十里而已

之起而已皮勞者夾脊摩之熱而已氣勞者緩繫之權

上遠餒草噴而已血勞者高繫無飲食之大溺而已飲

食之節食有三芻飲有三時何謂也一日惡芻二日中

芻三日善芻

善謂飢時與惡芻飽時與善芻引之令食
食常飽則無不肥到草粗雖是豆穀亦不

肥充細到無節莖而食之者
令馬肥不啞砧江自然好矣何謂三時一日朝飲少之

二日晝飲則胃膈水三日暮極飲之

一日夏汗冬寒皆
當節飲諺曰旦起

騎穀日中騎水斯言旦飲須節水也每飲食令行驟則
消水小驟數百步亦佳十日一放令其陸梁舒展令馬
硬實夏即不汗冬即不寒汗而極乾

飼父馬令不鬪法

多有父馬者別作一坊多置槽廄到芻及穀頭各自別安唯著鞵頭浪放

不繫非直飲食遂性舒適自在至於糞溺自然一處不須掃除乾地服臥不濕不汙百匹羣行亦不鬪也

飼征馬令硬實法

細剉芻杖擲揚去葉專取拌和穀豆秫之置槽於迥地雖復雪寒勿令安

廠下一日一走令其肉熟馬則硬實而耐寒苦也

羸

羸覆馬生羸則淮常以馬覆驢所生驪者形容壯大彌復勝馬然必七八歲草驢骨口正大者毋長則受

駒父大則子壯草羸不產產無不死養草驢常須防勿令雜羣也

驢大都類馬不復別起條端

凡以豬槽飼馬以石灰泥馬槽馬汗繫著門此三事皆

令馬落駒

術曰常繫獼猴於馬坊令馬不畏辟惡消百病也

治牛馬病疫氣方

取獼屎煮以灌之獼肉及肝彌良不能得肉肝入用屎耳

治馬患喉痺欲死方

纏刀子露鋒刃一寸刺咽喉令潰破即愈不治必死也

治馬黑汗方

取燥馬屎置瓦上以人頭亂髮覆之火燒馬屎及髮令煙出着馬鼻下薰之使煙入

馬鼻中須臾即瘥也

又方

取猪脊引脂雄黃亂髮凡三物著馬鼻下燒之使煙入馬鼻中須臾即瘥

馬中熱方

煮大豆及熱飯噉馬三度愈也

治馬汗凌方

取美豉一升好酒一升夏著日中冬則溫熱浸豉使液以手搗之絞去滓以汁灌口

汗出則愈矣

治馬疥方

用雄黃頭髮二物以臘月猪脂煎之髮消以搏揩疥令赤及熱塗之即愈也

又方

湯洗疥拭令乾煮麩糊熱塗之即愈也

又方

燒栢脂塗之良

又方

研芥子塗之差六畜疥悉愈然栢瀝芥子並是燥藥其徧體患疥者宜歷落斑駁以漸塗之待差更塗餘處一日之中頓塗徧體則無不死

治馬中水方

取鹽着兩鼻中各如雞子黃許大捉鼻令馬眼中淚出乃止良也

治馬中穀方

手捉甲上長髮向上提之令皮離肉如此數過以鉞刀子刺空中皮令突過以手當

刺孔則有如風吹人手則是穀氣耳令人溺上又以益塗使人立乘數十步即愈耳

又方

取錫如雞子大打碎和草飼馬甚佳也

又方

取麥蘖末三升和穀飼馬亦良

治馬腳生附骨不治者入膝節令馬長跛方

取芥子熟搗如雞子

黃許取巴豆三枚去皮留臍三枚亦搗熟以水和令相著和時用刀子不爾破人手當附骨上拔去毛骨外融蜜蠟周匝擁之不爾恐藥燥瘡大著蠟罷以藥傅骨上取生布割兩頭作三道急裹之骨小者一宿便盡大者不過再宿然須要數看恐骨盡便傷好處看附骨盡取冷水淨洗瘡上刮取車軸頭脂作餅子着瘡上還以淨布急裹之三四日解去即生毛而無癥此法甚良大勝灸者然瘡未瘥不得輒乘若瘡中出血便成大病也

治馬被刺腳方

用穠麥和小孩
哺塗即愈

馬灸瘡

未瘥不用令汗瘡白痴時
慎風得瘥後從意騎耳

治馬瘙蹄方

以刀刺馬腕叢
毛中使血出愈

又方

融羊脂塗瘡
上以布裹之

又方

取鹹土兩石許以水淋取一石五斗釜中煎取三
二斗剪去毛以泔清淨洗乾以鹹汁洗之三度即

愈

又方

以湯洗淨燥拭之嚼麻子塗之以布帛
裏三度愈若不斷用穀塗五六度即愈

又方

剪去毛以鹽湯淨洗去加燥拭於
破瓦中煮人屎令沸熱塗之即愈

又方 以鋸子割所患蹄頭前正當中斜割之今上狹下
潤如鋸齒形去之如剪箭括向深一寸許刀子摘

令血出色心黑出
五升許解放即瘥

又方 先以酸泔清洗淨然後爛
煮豬蹄取汁及熱洗之瘥

又方 取炊釜底湯淨洗以布拭水令盡取黍米一升作
稠粥以故布廣三四寸長七八寸以粥糊布上厚

裹蹄上瘡處以散麻纏
之三 日去之即當瘥也

又方 耕地中拾取禾芻東倒西倒者若東西橫地取南
倒北倒者一壟取七科三壟凡取二十一科淨洗

釜中煮取汁色黑乃止剪却毛泔淨
洗去痂以禾芻汁熱塗之一上即愈

又方 尿清羊糞令液取屋四角草就上燒令灰入
鉢中研令熱用泔洗蹄以糞塗之再三愈

又方

煑酸棗根取汁淨洗訖水和酒糟毛袋盛漬蹄沒瘡處數度即瘥也

又方

淨洗了搗杏仁和猪脂塗四五上即當愈

治馬大小便不通眠起欲死須急治之不治一日即死

以脂塗人手持穀道中去結屎以鹽內溺道中須臾得溺便當瘥也

治馬卒腹脹眠臥欲死方

用冷水五升鹽二斤研鹽令消以灌口中必愈

治驢漏蹄方

鑿厚磚石令容驢蹄深二寸許熱燒磚令熱赤削驢蹄令出漏孔以蹄頓著磚孔中

傾鹽酒醋令沸浸之牢捉勿令腳動待磚冷然後放之即愈入水遠行悉不發

牛歧胡有壽

歧胡牽兩腋亦分為三也眼去肉近行駛眼欲得大眼

中有白脉貫瞳子最快二軌齊者快二軌從鼻至髀為前軌甲至髀為後

軌頸骨長且大快壁堂欲得闊壁堂脚肢間也倚欲得如絆馬

聚而正也莖欲得小膺庭欲得廣膺庭胃也天關欲得成天關

脊接骨也僂骨欲得垂傷骨脊骨中夾欲得下也洞胡無壽洞胡從頭至臆也旋

毛在珠淵無壽珠淵當眼下也上池有亂毛起妨主上池兩角中一日戴

麻也倚脚不正有勞病肉冷有病毛拳有病毛欲得短密

若長疎不耐寒氣耳多長毛不耐寒熱單瞽無力有生

癩即決者有大勞病尿射前脚者快直下者不快亂睫

者舐人後腳曲及直並是好相直尤勝進不甚直退不
甚曲為下行欲得似羊行頭不用多肉臀欲方尾不用
至地至地少力尾上毛少骨多者有力膝上縛肉欲得

硬肉欲得細橫豎無在大身欲得促形欲得如卷

卷者其形

側也插頸欲得高一曰體欲得緊大腓踈肋難飼龍突目

好跳又云不能行也鼻如鏡鼻難牽口方易飼蘭株欲得大蘭株

尾豪筋欲得成就豪筋脚後橫筋豐岳欲得大豐岳膝株骨也蹄欲得

豎豎如羊角垂星欲得有努肉垂星蹄上有肉覆蹄謂之努肉力桂欲得大

而成

力桂常車

肋欲得密肋骨欲得大而張張而廣也髀骨欲得

出僂骨上

出背脊骨上也

易牽則易使難牽則難使泉根不用

多肉及多毛

泉根莖所出也

懸蹄欲得橫

如八字也

陰虹屬頸行干

里

陰虹者有雙筋白毛骨屬頸最善走

陽鹽欲得廣

陽鹽者夾尾株前兩膝也

當陽鹽

中間脊骨欲得窻

窻則雙脊不窻則為單脊

常有似鳴者有黃

治牛疫氣方

取人參一兩細切水煮取汁五六升灌口中

又方

臘月兔頭燒作灰和水五六升灌之亦良

又方

硃砂三指撮油脂二合清酒六合煖灌即瘥

治牛腹脹欲死方

取婦人陰毛草裹與食之即愈此治氣脹也

又方

研麻子取汁溫冷微熱擘口灌之五六升許愈此治生豆腹脹垂死者大良

治牛疥方

煮烏頭汁熱洗五度即瘥耳

治牛肚反及噉方

取榆白皮水煮極熱令甚滑以五升灌之即瘥也

治牛中熱方

取兔腸肚勿去屎以裹草吞之不過再三即愈

治牛風方

以胡麻油塗之即愈猪脂亦得凡六畜風脂塗悉愈

治牛病

用牛膽一箇灌牛口中瘥

家政法云四月伐牛茭

四月毒草與茭豆不殊齊俗不收所失大也

術曰埋牛蹄著宅四角令大富

養羊第五十七

種酥酪乾酪收驢馬駒
羔犢法羊病諸方並附

常留臘月正月生羔為種者上十一月二月生者次之

非此月數生者毛必焦卷骨髓細小所以然者是逢寒
遇熱故也其八九十月生者雖值秋肥比至冬暮母乳
已竭春草未生是故不佳其三四月生者雖茂美而羔
小未食常飲熱乳所以亦惡五六月生者兩熱相仍惡
中之甚十一月及二月生者母既合重膚軀充儲草
雖枯亦不羸瘦母乳適盡即得春草是以極佳也
大
率十口一羝羝少則不孕羝多則亂羣不孕者
必瘦瘦則匪唯不蕃息經冬或死羝無角
者更佳有角者喜相舐
觸傷胎所由也供厨者宜刺之羊生十餘日以
竹刺刺其脰

牧羊必須老人及心性宛順者起居以時調其宜適卜

式云牧民何異於是者

若使急性人及小兒者欄約不得必有打傷之災或勞戲不看

則有狼犬之害懶不驅行無肥克之理將息失所有羔死之患也

唯遠水為良二日一

飲

頻飲則傷水而鼻膿

緩驅行勿停息

息則不食而羊瘦急行則空塵而冲顛也

春夏

早放秋冬晚出

春夏氣軟所以宜早秋冬霜露所以宜晚養生經云春夏早起與雞俱興秋冬

晏起必待日光此其義也夏月盛暑須得陰涼若日中不避熱則塵汗相漸秋冬之間必致癩疥七月以後霜

露降後必須日出霜露晞解然後放之不爾則逢毒氣令羊口瘡腹脹也

圈不厭近必須與

人居相連開窻向圈

所以然者羊性怯弱不能禦物狼一入圈或能絕羣

架北墻

為廠

為屋即傷熱熱則疥癬且屋處慣煖冬月入田尤不耐寒

圈中作臺開竇無令

停水二日一除勿使糞穢

穢且汚毛停水則挾蹄眠濕則腹脹也

圈内須

並墻豎柴柵令周匝

羊不搭土毛常自淨不豎柴者羊搭墻壁土鹹相得毛皆成粘又豎

柵頭出墻者虎狼不敢踰也

羊一千口者三月中種大豆一頃雜穀并草留之不

須鋤治八九月終刈作青芟若不種豆穀者初草實成

時收刈雜草薄鋪使乾勿令鬱浥

豎豆胡或蓬藜荆棘為上大小豆箕次之

高麗豆箕尤有所便蘆藪二種則不中凡秋刈草非既直為羊然大凡悉皆倍勝崔寔曰十月七日刈芻芟

至冬寒多饒風霜或春初雨落青草未生時則須飼不

宜出放積芟之法

於高燥之處豎桑棘木作兩圓柵各五六步許積芟著柵中高一文亦無

嫌任羊遠柵指食竟日通夜口常不住終冬過春無不肥充若不作柵假有千車芟擲與十口羊亦不得飽羣羊踐躡而已不不收芟者初冬乘秋似如有膚羊羔乳

食其母比至正月母皆瘦死羔小未能獨食水草尋亦

俱死非直不滋息或滅羣斷種矣

余昔有羊二百口芟豆既少無以飼一歲

之中餓死過半假有在者疥瘦羸斃與死不殊毛復淺短全無潤澤余初謂家自不宜又疑歲道疫病乃飢餓所致無他故也人家八月收穫之始多無庸暇且賣羊雇人所費既少所存者大傳曰三折臂始為良醫又曰

亡羊治牢未為晚也世事略皆如此安可不存意哉

寒月生者須然火於其邊

夜不然火必凍死也

凡初產者宜煮穀豆飼之白羊留母二三日即母子俱

放

白羊性狠不得獨留

但留母一日寒月者內羔

子坑中日夕母還乃出之

坑中煖不苦風寒地熱使眠如常飽者也

十五日

後方喫草乃放之

白羊三月得草力毛牀動則鉸之

鉸訖於河水之中淨洗羊則生白淨毛也

五月毛牀將落鉸取之

鉸訖更洗如前

八月初胡藁子未成時

又鉸之

鉸了亦洗如初其八月半後鉸者勿洗白露已降寒氣侵人洗即不益胡葦子成然後鉸者匪

直著毛難治又歲稍晚比至寒時毛長不足今羊瘦損漠北塞之羊則八月不鉸鉸則不耐寒中國必須鉸不

鉸則毛長相著作羶難成也

作羶法

春毛秋毛中半和用秋毛緊強春毛軟弱獨用大偏是以須雜三月桃花水羶第一凡作羶不

須厚大唯緊薄均調乃佳耳二年敷卧小覺垢以九月十月賣作鞞羶明年四五月出羶時更買新者此為長存不穿敗若不數換者非直垢污穿穴之後便無所直虛成糜費此不朽之功豈可同年而語也

令羶不生蟲法

夏月數席下卧上則不生蟲若羶多無人卧上者預收權柴燥薪灰入五月中

羅灰徧著羶上厚五寸許卷束於風涼之處閣置蟲亦不生如其不爾無不生蟲

羝羊四月末五月初絞之性不耐寒早絞寒則凍死雙生者多易為繁息性既豐乳

有酥酪之饒毛堪酒袋兼繩索之利其潤益又過白羊

作酪法牛羊乳皆得別作和作隨人意牛產日即粉穀如糕屑多著水煮則作薄粥待冷飲牛若不飲

者莫與水明日渴自飲牛產三日以繩絞牛項頸令身脈脹倒地即縛以手痛按乳核令破以脚二七徧蹴

乳房然後解放羊產三日直以手按核令破不以脚蹴若不如此破核者乳脈細微攝身則閉核破脈開將乳

易得曾經破核後產者不須復治牛產五日外羊十日外羔犢得乳力強健能噉水草然後取乳將時須人斟

酌三分之中當留一分以與羔犢若取乳太早及不留一分乳者羔犢瘦死三月末四月初牛羊飽草便可作

酪以收其利至八月末止從九月一日後止可小供

食不得多作天寒草枯牛羊漸瘦故也大作酪時日暮

牛羊還即間羊犢別著一處凌旦早放母子別羣至日
東南角嗽露草飽驅歸將之訖還放之聽羔犢隨母日
暮還別如此得乳多牛羊不瘦若不早放先將者比覺
日高則露解常食燥草無復膏潤非直漸瘦得乳亦少
將訖於鐺釜中緩火煎之火急則著底焦常以正月二
月預取乾牛羊矢煎乳第一好草既灰汁柴又喜焦乾
糞火輒無此二患常以杓揚乳勿令溢出時復徹底縱
橫直勾慎勿圓攪喜斷亦勿口吹則解四五沸便止瀉
著盆中勿便揚之待小冷掠取乳皮著別器中以為酥
屈木為棖以張生絹袋子濾熟乳著瓦瓶中臥之若是
新瓶即直用之不燒若舊瓶已曾卧酪者輒須灰火中
燒瓶令津出迴轉燒之皆使周匝熱徹好乾待冷乃用
不燒者有潤氣則酪斷不成若日日燒瓶酪猶有斷者
作酪屋中有蛇蝦蟇故也宜燒人髮羊牛角以辟之聞
臭氣則去矣其卧酪待冷煖之節溫溫小煖於人體為
合宜適熱卧則酪醋傷冷則難成濾乳訖以先成甜酪

為酵大率熟乳一升用酪半匙著杓中以匙攪令散
瀉著熟乳中仍以杓攪使均調以醴絮之屬茹瓶令煖
良久以單布蓋之明旦酪成若去城中遠無熟酪作酵
者急榆醋食研熟以為酵大率一斗乳下一匙酵攪令
均調亦得成其酢酪為酵者酪亦醋甜酵傷多酪亦醋
其六七月中作者卧時令人溫直置冷地不必須溫
茹冬天作者卧時少令熱於
人體降於餘月始令極熱

作乾酪法

七月八月月中作之日中炙酪酪上成掠取
更炙之又掠肥盡無皮乃止得一斗許於鑪

中炒少許時即出於盤上曝浥浥時作圓大如梨許又
曝使乾得經數年不壞以供遠行作粥作漿時細削著
水中煮沸便有酪味亦有全擲一團著湯中嘗有酪味
還澆取曝乾一徧則得五徧煮不破看勢兩漸薄乃削
研用倍
省矣

作漉酪法

八月中作取好淳酪生布袋盛懸之當有水出滴滴下水盡著鐺中暫炒即出於盤上日

曝浥浥時作團大如梨許亦數年不壞作粥漿味勝前者炒雖味短不及生酪然不炒生蟲不得過夏乾漉二

酪久停皆喝氣不如年各作歲管用盡

作馬酪

法用驢乳汁二三升和馬乳不限多少澄酪成取下澱團曝乾後歲作酪用此為醇也

枰酥法

以夾榆木椀為枰子作枰法割去椀半上窺四廂各作一團孔大小徑寸許正底施長柄如酒

枰形枰酥酪甜酢得所數日陳酪極大酪著亦無嫌酪多用大甕酪少用小甕置甕於日中旦起瀉酪著甕

中炙直至日西南角起手枰之令枰子常至甕底一食頃作熱湯水解令得下手寫着甕中湯多少令常半酪

乃枰之良久酥出下冷水多少亦於湯等更急枰之於此時枰子不須復達甕底酥已浮出故也酥既徧覆酪

上更下冷水多少如前酥凝拌上大盆盛冷水著甕邊
以手拌酥洗手盆水中酥自浮出更掠如初酥盡乃止
酥酪漿中和殮粥盆中浮酥待冷悉凝以手接取搗去
水作圓著銅器中或不津瓦器亦得十日許得多少併
內鐺中然牛羊矢緩火煎如香澤法當日內乳涌出如
雨打水水中水乳既盡聲止沸定酥便成矣冬即內著羊
肚中夏盛不津器初煎乳時上有皮膜以手隨即掠取
著器中寫熟乳著盆中未濾之前乳皮凝厚亦悉掠取
明日酪成若有黃皮亦悉掠取併著甕中以物痛熟研
良久下湯又研亦下冷水紙是好酪接取作團與大段
同煎
矣

羊有疥者間別之不別相染污或能合羣致死羊疥先
着口者難治多死

治羊疥方

取藜蘆根咬咀令破以泔浸之以瓶盛塞口於灶邊常令煖數日醋香便中用以磚瓦刮

疥令赤若強硬痂厚者亦可以湯洗之去痂拭燥以藥汁塗之再上愈若多者日別漸漸塗之勿頓塗令偏羊皮不堪藥勢便死矣

又方

去痂如前法燒葵根為灰煮醋熬熱塗之以反厚傳再上愈寒時勿剪毛去即凍死矣

又方

臘月豬脂加熏黃塗之即愈

羊膿鼻眼不淨者皆以中水治方

以湯和鹽用杓研之極鹹塗之為佳更待

冷接取清以小角受一雞子者灌兩鼻各一角非直水瘡永息去蟲五日後必飲以眼鼻淨為候不瘡更灌一

法如前

羊膿鼻口頰生瘡如乾癬者名曰可妬運迭相染易著者多死或能絕羣治之方

豎長竿於圈中竿頭施橫板令獼猴上居數日自然差此

獸辟惡常安於圈中亦好

治羊挾蹄方

取羶脂和鹽煎使熟燒熱令微赤著脂烙之著乾勿令水汎入七日自然瘥耳

凡羊經疥得差者至夏後初肥時宜賣易之不爾後年春疥發必死矣

凡驢馬牛羊收犢子駒羔法

常於市上伺候見含重垂欲生者輒買取駒犢一百

五十日羊羔六十日皆能自活不復藉乳乳母好堪為種產者因留之以為種惡者還賣不失本價坐羸駒犢

還更買懷子孕者一歲之中牛馬驢得兩番羊得四倍
羊羔臘月正月生者留以作種餘月生者剩而賣之用
二萬錢為羊本必歲收千口所留之種率皆精好與世
間絕殊不可同日而語之何必羔犢之饒又羸酪之利
也羔有死者皮好作裘縵肉好
作乾腊及作肉醬味又甚美

家政法云養羊法當以瓦器盛一升鹽懸羊欄中羊喜
鹽自數還啖之不勞人收

羊有病輒相汚欲令別病法當欄前作瀆深二尺廣四
尺往還皆跳過者無病不能過者入瀆中行過便別之
術曰懸羊蹄著戶上辟盜賊澤中放六畜不用令他人

無事橫截羣中過道上行即不諱

龍魚河圖曰羊有一角食之殺人

養豬第五十八

爾雅曰豕子豬猶積也幼豕者豮豕三豮二豮一豮所
寢槽四豮皆白豮其跡刻絕有力豮牝豮注云豮也其
子曰豚一歲曰豮廣志曰豮豮豮
豮豮也豮關二字也豮艾豮也

母豬取短喙無柔毛者良

喙長則牙多三牙以上則不煩畜為難肥故有柔毛關治

難淨也 牝者子母不同圈

子母一圈喜相聚否則不關二字

牝者同圈則

無嫌

壯性遊蕩非家生則喜浪矣

圈不厭小

圈小肥疾

處不厭穢

泥穢得避暑

亦須小厰以避雨雪春夏中生隨時放牧糟糠之屬當

日別與

糟糠易至

至八九月放而不飼所有糟糠則畜待

冬春初

豬性甚便水生之草杞數水藻等近岸豬食之皆肥

初產者宜煮飼之

其子三日搯尾六十日後捷

三日則不畏風凡死者皆尾風所致耳捷不截尾則

前大後小捷者骨細肉多不捷者骨粗肉少如捷牛法者無風死之患

十二月生子者豚

一宿蒸之

蒸法索籠盛

腦凍不合出旬便死

所以然者豚性腦少寒盛則不

能自煖故須煖氣助之

供食豚乳下者佳簡取別飼之愁其不肥共母同圈粟

豆難足宜埋車輪為食場散粟豆於內小豚足食出入自由則肥速

雜五行書曰懸臘月豬羊耳著堂梁上大富

淮南萬畢術曰麻鹽肥豚豕

取麻子三升搗干餘杵煮為羹以鹽一升著中和糠

三斛飼豕則肥也

養雞第五十九

爾雅曰雞大者蜀蜀子雞未成雞健絕有力奮雞三尺為鷄郭璞注曰陽溝巨鷄古之名雞廣志曰雞有胡髮五指金駸反翅之種大者蜀小者荆白雞金駸者鳴美吳中送長鳴雞雞鳴長倍於常雞異物志曰九真長鳴

雞最長聲甚好清朗鳴未必在曙時潮水夜至因之並
鳴或名曰伺潮雞風俗通云俗說朱氏公化而為雞故

呼雞者皆言朱朱玄中記云東南有桃都山上有大桃
樹名桃都枝相去三千里上有一天雞日初出光照此

木天雞則鳴羣雞種取桑落時生者良形小淺毛脚細
短是也守窠少

雞善育聲善育春夏生者則不佳形大毛羽悅澤脚粗長者是
遊蕩饒聲產乳易厭既不守

窠則無緣蕃息也雞春夏雛二十日內無令出窠飼以燥飯出

早不免鳥鴟與濕飯則令臍膿也雞棲宜掘地為籠內著棧雖鳴聲不

朗而安穩易肥又免狐狸之患若在之樹林一遇風寒

大者損瘦小者或死燃柳柴雞雛小者死大者盲此亦
燒穰

殺雞之流
其理難悉

養雞令速肥不杷屋不暴園不畏鳥鴟狐狸法

別築牆
匡開小

門作小廠令雞避雨日雌雄皆斬去六翮無令得飛出
常令收桃稗胡之類以養之亦作小槽以貯水荆藩為
樓去地一尺數掃去屎鑿牆為窠亦去地一尺唯冬天
著草不茹則子凍春夏秋三時則不須直置匡上任其
產伏留草則蠅蟲生雞出則著外許以罩籠之鷄鶉大
還內牆匡中其供食者又別作牆匡蒸小麥飼之三七
日便肥
大矣

取穀產雞子供常食法

別取雌雞勿令與雄相雜其牆
匡斬翅荆樓土窠如前唯多與

穀令竟冬肥盛自然多產矣一雞生百餘
卵不雞並食之無谷餅足所須皆宜用此

淪雞子法

打破著沸湯中浮出即掠取生熟正得即加鹽醋也

炒雞子法

打破著鐺中攪令黃白相雜細擘葱白下鹽米渾豉麻油炒之甚香矣

孟子曰雞豚狗彘之畜無失其時七十者可以食肉矣

家政法曰養雞法二月先耕一畝作田秫粥灑之刈生

茅覆上自生白蟲便買黃雌雞十隻雄一隻於地上作

屋方廣丈五於屋下懸簣令雞宿上并作雞籠懸中夏

月盛晝雞當還屋下息并於園中築作小屋覆雞得養

子鳥不得就

龍魚河圖曰畜雞白頭食之病人雞有六指者亦殺人
雞有五色者亦殺人

養生論曰雞肉不可食小兒食令生疣蟲又令消體瘦
鼠肉味甘無毒令小兒消殺除寒熱炙食之良也

養鵝鴨第六十

爾雅曰舒鴈鵝廣雅曰駕鵝野鵝也說文曰鷺鷥野鵝
也晉沈充鵝賦序曰於時綠眼黃喙家家有焉大康中
太倉鵝從喙至足四尺有九寸體色疊麗鳴聲驚人爾
雅曰舒鳧鷺說文鷺舒鳧廣雅曰鷺鴨也野鴨雄者赤
頭有距鷺生百卵或一日再生
有露鷺以秋冬生頓並世蜀口鵝鴨並一歲再伏者為

種一伏者得卵少三伏者冬寒雛亦多死也大率鵝三雌一雄鴨五雌一雄

鵝初輩生子十餘鴨生數十後輩皆漸少矣常足五穀飼之生子

多不足者生子少欲於廠屋之下作窠以防猪犬狐狸驚恐之害多著細草

於窠中令煖先刻白木為卵形窠別著一枚以誑之不爾

不肯入喜東西浪生若獨者生時尋即收取別作一煖闕二字窠後有爭窠之患

處以柔細草覆之傳置窠中凍即雛死伏時大鵝一十子大鴨二

十子小者減之多則數起者不任為種凍死也其貪伏

不起者須五六日一與食起之令洗浴久不起者飢羸身冷雖伏無熱

鵝鴨皆一月雛出量雛欲出之時四五日內不用聞打

鼓紡車犬叫豬犬及舂聲又不用器淋灰不用親見產

婦觸忌者雛多厭殺不能自出假令出亦尋死也雛既出別作籠籠之先以粃

米為粥糜一頓飽食之名曰填嗉不爾喜軒壺然後以

粟飯切苦菜蕪菁英為食以清水與之濁則易不易泥塞鼻則

死入水中不用停久尋宜驅出此既水禽不得水則死

亦於籠中高處敷細草令寢處其上雛小臍未合十五

日後乃出早放者匪直乏力且有寒冷魚鳥鵝災也

鵝唯食五穀稗子及草菜不食生蟲

葛稚川曰居射工之地常養鵝見此

物食之故鵝辟此物也

鴨靡不食矣水稗實成時尤是所便噉此

足得肥充供厨者子鵝百日以外子鴨六七十日佳過此肉硬大率鵝鴨六年以上老不復生伏矣宜去之少者初生伏又未能工唯數年之中佳耳

風土記曰鴨春季雛到夏五月則任啖故俗五六月則烹食之

作杓子法純取雌鴨無令雜雄足其粟豆常令肥飽一

鴨便生百卵

俗所謂谷生者此卵既非陰陽合生伏亦不成雛宜以供贍幸無麋卵之咎也取

柘木皮

爾雅曰柘魚毒郭璞注曰柘大木子似栗生南方皮厚汁赤中藏卵果無柘皮者虎杖根牛李根

並作用爾雅云茶虎杖郭璞注云似紅草粗大有細刺可以染赤淨洗細莖剉煮取汁率

二斗及熟下鹽一升和之汁極冷內甕中

汁熱卵則致敗不堪久停

浸鴨子一月任食煮而食之酒食俱用鹹徹則卵浮

吳中

多作者至十餘斛久停彌善亦得經夏也

養魚第六十一

陶朱公養魚經云威王聘朱公問之曰聞公在湖為漁

父在齊為鷓夷子皮在西戎為赤精子在越為范蠡有
之乎曰有之曰公任足千萬家累億金何術乎朱公曰
夫治生之法有五水畜第一水畜所謂魚池也以六畝
地為池池中有九洲求懷子鯉魚長三尺者二十頭牡
鯉魚長三尺者四頭以二月上庚日內池中令水無聲
魚必生至四月內一神守六月內二神守八月內三神
守神守者鼈也所以內鼈者魚滿三百六十則蛟龍為
之長而將魚飛去內鼈則魚不復去在池中周遶九洲

無窮自謂江湖也至來年二月得鯉魚長一尺者一萬
五千枚三尺者四萬五千枚二尺者萬枚枚直五十得
錢一百二十五萬至明年得長一尺者十萬枚長二尺
者五萬枚長三尺者五萬枚長四尺者四萬枚留長二尺
者二千枚作種所餘皆得錢五百一十五萬錢候至明
年不可勝計也王乃於後苑治地一年得錢三十餘萬
池中九洲八谷谷上立水二尺又谷中立水六尺所以
養鯉者鯉不相食又易長也

如朱公收利未可頓求然
依法為池養魚必大豐足

終天靡窮斯亦無貲之利也

又作魚池法

三尺大鯉非近江湖倉卒難求若養小魚積年不大欲令生大魚法要須截取數澤

陂湖饒大魚之處近水際土闕十數載以布池底二年之內即生大魚蓋由土中先有大魚子得水即生也

蓴

南越志云石蓴似紫菜色青詩曰思樂泮水言采其茹毛云茹鳧葵也詩義疏云茹與葵相似葉大如手

赤圓有肥斷著手中滑不得停也莖大如箸皆可生食又可約滑羹江南人謂之蓴菜或謂之水葵本草云治消渴熱痺又云冷補下氣雜鯉魚作羹亦逐水而性滑謂之葶菜或謂之水芹服食之不可多

種蓴法

近陂湖可於湖中種之近流水者可決水為池種之以深淺為候水深則莖肥葉少水淺則葉

多而莖瘦蓴性易生一種永得宜潔淨不耐污糞穢入池即死矣種一斗餘許足用

種藕法

春初掘藕根節頭著魚池中種之當年即有蓮花

種蓮子法

八月九月取蓮子堅黑者於瓦中磨蓮頭令皮薄取堦土作熟泥封之如三指大長二寸

使葉頭平重磨去尖銳泥乾時擲於池中重頸泥下自然周正薄易生少時即出其不磨者皮既堅厚倉卒不能生也

種芡法


一名雞頭一名鴈喙即今芡子是也由于形上花似雞冠故名曰雞頭八月中收取擘破取子

散著池中自然生也

種芡法

一名芡秋上子黑熟時收取散著池中自生矣本草云芡芡中米上品藥食之安中補藏養神

強志除百病益精氣耳目聰明輕身耐老蒸曝蜜和餌之長生神仙多種儉歲有此足度荒年



齊民要術卷六